

Партийн сургъуль гардлгъар мана дамшлт

КПСС-н ЦК идеологическ төрмүдәр өгдг зааврар гардвр кегъад, КПСС-н Западн райком, партийн болн комсомольск сургъуль бүрдәхләрн, кружоксин, политшколсин, семинарсин сургъуль бүрдәхләрн, мана кадрмуд цугтан, түрүн болдж района күч кәлсчнр, мана партин болн Советск правительствин политикиг гүүнәр дасх, делкән өдгә цагин бәадлинь меддж авх төр тәвджәнә.

Күч-кәлсчнр дунд политическ цәәлгъврн, пропагандин гүн кәдлмш делгрүлхин кергт партин член улсин, цуг кадрин политическ медрлин кирцәгъинь өддлүлгән кергтә.

Партийн сургъуль бүрдәлгәнә тускар райком парть зөвәр кәдлмш күцәв. Районд 32 кружок гарв, эдн дунд: тодрха экономик даслгъар 179 күн сурцах 9 кружок, өдгә цагин политик даслгъар—15, КПСС-н туудж даслгъар—2, нань чигн кружокс.

Районд хойр джилә экономическ школ бәәнә, энүнд 27 күн сурчана. Институтст 56 күн заочн сурчана. 10 коммунист эврән бийснь политическ сургъулан өддлүлдж бәәнә. Ут-турштан партийн сургъульд 607 күн, эдн дунд 323 коммунист орлцджана.

Партийн сургъулин урчк джилмүдин дамшлтнь—пропагандист күн сән белдвртә болхла кәдлмшин ашнь сән болдгинь үзүлв. Энүг тоолад 1957 джилд пропагандист, улсин кадриг диглдж авлгънд ах оныг тусхагдв. Райком парть иим кәдлмшт олзлхар бәәх улсиг урдаснь темглад, эднд даалгъвр өгәд, шүүдж хәләв. Улгүрлхд, үүрмүд А. В. Фисенко, М. П. Игошин, Н. А. Мищенко—эднд пропагандистд батлхин өмн колхозникудт политическ болн колхозмудин эдл-ахун туск төрмүдәр док-

лад кедж өгх даалгъвр өггдсн, эдн сәәнәр күцәв. Ода эдн пропагандистнрт батлгдсн, кәдлджәнә. Пропагандист улс дунд урднь кәдлдж йовсн, кәдлмшин ик дамшлтта үүрмүд Н. С. Сергиенко, А. И. Баев, В. Н. Раевский, А. Ф. Малышкин бәәнә. Эдн 10—13-д джилд кәдлдж йовх улс. Пропагандистнрт 32 күн батлгдсн, эдн дунд: ах сургъульта улснь 11 күн, дундин сургъульта—21 күн.

Райком парть пропагандистнрла тасрхан угагъар эднә белдврннь өддлүлхәр кәдлмш кеджәнә. Сар болгән семинар хурагдна. Гурвн семинар болчкв. Семинар болгънд теоретическ төрәр лекц умшгдна, кәдлмшин дамшлт күүндврт тәвгднә. КПСС-н ЦК-н тезисмүд даслгъна дигнь хәләгдв. Эн төрәр пропагандистнр үүрмүд Небоженко, Сергеенко, Бабий, Евстратов дамшлтан келцхәв.

Ирх джилин январь сард болх семинариг „Пролетарская победа“ колхозд кех болдж райком шиидв. Нуүрт йовх колхозин кәдлмшин дамшлтта пропагандистнр гүүнәр таньлддж авх, тиигәд терүг тархалгънд шунмгъагар орлцх зөвтә. Эн колхозд үс саадж авлгән сүүлин гурвн джилин эргцд 3 холван даву, ноос киргъдж авлгән 2,5 холван, өндгн—2 холван өсв.

Сән дамшлтта пропагандистин кәдлмшлә наадк пропагандистнриг таньлдулгән ик туста. Иим пропагандист манд бәәнә. Эн—Н. В. Тимохин. Пропагандист болдж эн 11 джилд кәдлдж йовна. Теоретическ төрмүдиг гүүнәр цәәлгъдж өгсн деерән, үр Тимохин өдгә цагт күцәдж йовх керглә харгъулдж келнә. Иим болсар сонъсачнрт тернь тодрха сәәнәр медгддж, кәдлмштнь ик дем болна. Ур Тимохина

дамшлтиг бидн дасад, диглад, семинарт күүндврт тәвб бидн.

Партийн сургъулин кәдлмшиг гардлгънд эклц партийн организацсин сегләтрмүдин докладинь дара-даранднь сонъслгән бас олзлгдна. Болв партийн сургъулин йовудинь шүүлгәнә чик янз гидж кружоксин, школсин сургъуль болдг өдртнь оч орлцдж хәләлгъиг олзлна бидн. Октябрь, ноябрь сармудт кесг кружокс, школсин кәдлмшинь района активәс илгәдж шүүв бидн.

Партийн сургъулин кәдлмшт КПСС-н райкомин онгнь сулдхвр угагъар тусдж йовхин ашд бүрдәмджтә, өддән кирцәтәгъәр кегддж йовна. Сургъульд сурцах улс 90—100 процент күрч ирцхәнә. Кружокс, политшколс, семинарс нег өдр чигн сургъулян таслсн уга. 112-ч, „Южный“ совхозмудт, „Ленинец“, „Пролетарская победа“ колхозмудт, Западн, Виноградненск МТС-д партийн сургъуль сәәнәр кегддж йовна.

КПСС-н райком партийн сургъулин кәдлмшиг таслвр угагъар гарддж, кәдлмшт бәәх дуту дундиг цаглань уурулгъ теткдж йовна. Пропагандистнр үүрмүд М. Ф. Пономаренко, И. Е. Гончаров, Г. Ф. Зимовец теоретическ төрмүдиг гүн бишәр цәәлгъдг бәәснь заагдв. Эдн энүгән чиклдж йовцхана.

Мана райкомин эргнд ола зу - шаху шунмгъа коммунистнр кәдлдж бәәцхәнә. Эдн партийн комитетин түшгнь, аль-бис кәдлмштнь дөбнүгән күргнә. Политическ сургъуль кадрмудт дасхлгъиг улм ясрулхла эднә тонь өсәд йовхмн. Тиигәд партийн сургъульд мана тәвдг оныг цаарандан чигн сулдхмн биш.

И. ГЕЦЕЛЕВ,

КПСС-н Западн райкомин
пропагандия болн агитацион
отделин заведующ.